

卷

下



商文毅公集卷之十



後學漢陽劉體元編輯

浦城徐一成校正

庠生

余嘉謨
方之望同校

詩

五言古詩

甘露

達人明至理佳城預卜築彼美東甌隅山青水仍
綠松栢種滿林翠色連岡麓挺特干雲霄中有鸞
凰宿和氣能致祥甘露疑珠玉纍纍綴枝葉縱觀

悅衆目醞釀由造化非比飭飴屬達人忠孝士報
國心逾篤公餘無外慕詩書時展讀仰懷

北闕尊

萬歲頻遙祝休徵天報喜式兆邦家福

淡味

大禹惡旨酒仲尼甘蔬食飯糗與羹藜聖賢不我
鄙云胡百世下風俗日侈靡五斗解宿醒萬錢資
一饋賴有君子心汪汪淡如水遭時逢

聖主所欲無不遂顧乃安澹泊膏粱非所嗜立志在
廉潔飽德惟仁義咀嚙經書腴玩索菽粟味人言

咬菜根百事皆可理偉哉清白士端由味淡始於
焉慎厥終芳名垂信史

蘭蕙圖

蘭以比君子蕙比士大夫人物雖云異氣味乃不
殊托根深林下不與桃李俱妖艷任紛紛貞姿恒
自如共言王者香宜為禁苑居一朝移植後雨露
恣霑濡芬芳異凡卉馥郁盈天衢採擷足紉佩把
玩堪怡娛發舒似遲晚蠲潔無終初誰將幽靜意
寫此蘭蕙圖對之遂清賞塵慮焉能紆呼童出門
巷止回俗士車

至日

佳節當長至相遇值休假三人重愛客開宴乘閑
暇香醪發新蕩時殺供美炙獸炭擁巨爐銀燭照
高榭宗伯與司寇奉采殊醞藉南浙更同

朝同命嵇呂駕于時一易復群陰漸退金皓月清光
流此景天所借杯行不停手坐久寧間夜玉賓管
鮑倚才思李杜亞劇談意轉新勝味如嚼蔗幸茲
際熙洽皇風遍夷夏顧予菲薄資職業慙造化良
會感知已素懷盡傾瀉醉後惜分携留詩一相謝

大椿樹

亭亭大椿樹鬱鬱高堂前高堂有老親對此增長
年於焉壽七旬初度當秋天賢郎官近侍阻拜心
懸懸分題索我詩為賦大椿篇古人云此樹春秋
閱八千滋培承雨露喬秀凌雲煙根深末愈茂歲
久天自全君子善體物操修勤且專優游懷道義
咲傲甘林泉烏紗籠白髮帶綰金花鮮

皇恩方浩蕩自視惟歛然存仁壽斯在處靜年可延
台背復兒齒遐算何綿綿願言從今始歲歲開華
筵嘉賓共稱觴慶此人中仙

榮壽堂

高堂屹崔巍簷檻俯清灣長橋跨其東廣濟徒涉
艱名坊峙乎西科第連躋攀繫彼堂中人白髮暎
朱顏詩書啓後昆聞譽重鄉閭賢郎擢春魁列職
趨朝班三載象推

恩對

誥昭田鸞錦衣烏紗新銀帶腰圍寬老年逢盛事喜
氣溢門闈因茲榮壽美揭扁尚楣端榮為

君貺侈壽為親惟歡既榮亦已壽兼之誠所難榮如
川方至壽比南山安壯哉榮壽堂芳名永不刊

五言律詩

贈柳陽唐刺史

甲第才名重柳陽政令新東朝瞻

舜日南土播

堯仁秩視諸侯貴人稱刺史循他時登法從志不負

經綸

挽胡忠安公

五紀

朝廷上歸然鶴髮踈望尊周太保職重漢尚書捧
日心常在包荒量有餘門墻儀範遠空自望懸車

借壽堂

奕奕高堂上雙親共白頭
靈椿長挺秀萱草自忘
憂綵服庭前舞潘輿花
下遊嗟君得真樂此外
復何求

五言排律

贈畢僉憲提督山東學校

甲第登名日詞林進學年
才華人共羨德行獨推
先粉署馳清譽霜臺荷
美遷承恩綽

帝里春

勅下

天邊憲佐威聲肅師模
責任專儒官資表率士
子賴

陶甄不但詩書富相期
道義全文風從此振再
詠
作八篇

題春景山水

愛此佳山水春來景更
妍四郊青嶂合孤岫白
雲
連地迥輪蹄絕峰危石
磴懸小橋臨曲澗遠浦
接
平田鬱鬱林間寺潺潺
竹下泉桑麻凝暮藹榆
柳
繞晴川寶殿凌千尺茅
堂敞數椽僧歸西嶺月
漁
釣北溪煙倒浸沉波塔
閣橫古渡船樓高平見
日
松老不知年鳥度浮嵐
外鷗飛落照邊吟筇芳
草
徑酒旆杏花天隔岬聞
鶯語開軒待鶴旋砌苔
深

文毅公集 卷之十
丹鳳
染黛林籟細鳴絃有路通仙境無塵遠市塵終依

關未結赤松緣家山在圖畫觸目思飄然

題程進士味道軒

道原於賦畀率循在乎人舍之而不由焉知味之
其中庸示明訓道本不離身靜存并動察所貴功
相因杏林有聖士軒以味道名嗜之如飲食求之
志若卒遺言究六經行實登五倫孜孜仍汲汲日
新又日新味此如啖蔗膏梁奚足珍勗哉慎終始
期與聖賢隣

七言古詩

應制西洋駒

天生駿骨真奇哉貢之遠自西洋來西洋神駒何
所致雲霧晦冥初降胎身簇丹砂蹄削玉月鏡夾
瞳耳批竹追風掣電氣如虹奮夷得此那敢畜當
時

皇祖御

宸極德化覆冒西南國海不揚波條不鳴重譯來
朝靡虛日豈無犀象與珠貝不貴異物貴良驥玉
階控獻

文毅公集 卷之十
聖情怡振鬣驕嘶如有意天閑自此識龍種駑駘一
見覺神悚孳生歲歲蕃且息旃旆充牣如雲湧
郊壇有事備威儀錦韉寶絡光陸離和鸞前道恣
容與凡馬不許爭馳驅

山水四首

浮雲積翠山稜層煙波浩渺滄江橫就中風景如
武陵又疑方壺與蓬瀛高人妙得丹青趣展素揮
毫若神助巖嶢峭絕瀉飛流嵐岫溟濛鎖雲霧楓
榆夾岬羊腸遠漁舟蕩漾忘昏曉人間何處有此
景願一登臨散懷抱

其二

蒼崖萬仞高挿天銀河直與南溟連畫工繹思寫
縑素天崖地角來筆端晴巒曉嶂空翠濕水色湖
光渺無極依稀遠樹含紫烟隱隱平林帶秋色夢
中忽向君山遊君山一髮青如蚪覺來披圖賦新
句瀟湘雲夢清氣浮

其三

天下幾人畫山水王維之畫世無比生絹一幅垂
中堂咫尺應須論萬里十日五日一山水水雲飛
動山盤鬱孤峰絕壑結茅茨漁舟出入秋江夕問

文毅公集 卷之十
君何從得此圖愛之不啻如拱壁還君圖予贈君
作白雲回首暮山碧

其四

誰寫江山妙莫比遠岫危峯向天起想當濡墨揮
灑時無限風光歸筆底若濃若淡出嶙峋欲斷不
斷雲縱橫萬壑千巖勢幽絕羅浮姑蘇徒為名青
林遠近不知數林下山房啓晴戶今看鷓鴣立雲霄
端疑是當年讀書處

九鷺圖

晴煙曉散垂楊堤垂楊嫋嫋臨清溪風景依稀二
三月蘭若杜若連芳蹊溪頭紛然集群鷺形影相
隨復相顧翹沙戲渚咸自適界水衝風飛更舞飢
則窺魚飽則棲弋羅不到無嫌猜參差九鷺態度
別綠楊深處恣徘徊孤高風格瀟灑性不逐烏鳶
不逐隼平生雅趣雲水俱一片閑心煙雨靜氤氳
毛羽勝霜雪數聲叫徹滄波月宛如野鶴出塵埃
回視凡禽總殊絕誰人巧奪造化工九鷺寫入丹
青中非惟潔白堪比德所貴體物存心胸乘時高
奮搏風翻充庭久向鶴行立遙看洲渚渺茫茫日
近蓬萊天咫尺

小圖四景春

聖王御極仁政新
斡旋造化回陽春
淑氣先從大地至
和風披物資陶鈞
不須羯鼓催花發
上林已覺生意津
千紅萬紫匪雕刻
群芳庶類隨天真
四郊遊樂足歌舞
擊壤豈獨稱堯民

夏

祝融南來日初長
火輪迸焰紅旗張
暑氣蒸人如坐甑
織絺翻汗誰能當

聖情孜孜垂憫惻
仁風及物咸阜昌
憶昔武王蔭暘者
至今千載名猶彰
殿閣生涼煖燭遠
清陰願施

均四方

秋

梧飄金井天下秋
瑤樓玉宇輕煙浮
長空澄清月色皎
對此可以忘百憂
登場築圃農事畢
老稚鼓腹聞歌謳
風雲慶會良不偶
匡時欲使庶政修
致君堯舜邁千古
功烈豈肯卑微休

冬

徃聞天氣當嚴冬
朔風凜冽寒冰重
裂膚墮指膠欲折
小民無褐憂年凶
下今

聖主崇邦本
思艱圖易勤
三農賜衣發
稟意恐後

文毅公集 卷之十
溫詔數下寬租庸

太平景象逐春轉坐令萬國躋時雍

春景山水

春山龍從淨如掃楊柳依依春正好山頭不斷飛
白雲山下時聞叫黃鳥高人卜築山水間樓居面
面皆青山捲簾日長看圖畫閉門無夢來塵闌闌
中紅塵深沒馬馬蹄不到青山下兩翁何處抱琴
來良晤尋常共傾瀉東風入指拂桐絲高山流水
誇絕奇千古遺音足清賞黃金何必鑄鍾期幸逢
四海雍熙日才俊登庸皆遺逸弓旌行見下

朝廷未許斯人永泉石

龍

神龍神龍天下奇爪牙鱗甲光陸離潛藏顯現各
有時頃刻變化誰能知有時鼓鬣青冥端風雲慘
黯白晝寒有時揚鬣入海底奔濤翻浪推群山馮
夷海若愁欲逸鼉鼉膽落蛟螭泣固知靈異乃如
此豈比尋常池中物畫師巧奪造化工揮毫染素
有神通須臾又出真頭角便覺烟霧飛空濛耳底
轟轟聞震霆簷外颯颯疑雨聲古來張繇擅奇絕
衆史紛紛奚足評嗟公好古尤好畫得之不復論

文獻公集 卷之十一
高價相看自足豁心目萬里滄溟在堂下邇來暑
氣旱為雪安得致之昇碧落捲水作霖被八荒收
却神功入寥廓

虎

壯哉於菟豪且雄猛氣不與凡獸同吞牛伏豹爪
牙利空谷一嘯來天風黑為文兮白為質光彩斑
斑炫晴日安尾橫行不畏人百獸滿山皆股慄渡
河負子一何仁銜符化石亦已神藜藿因之不敢
據固知鷲悍無與倫天生異物真奇特庸史如林
視不得此圖分明意態新絕似南山真白額心閑

氣定神揚揚眼如夾鏡雙瞳光向非筆端巧如此
此物安得來高堂卒然一見驚心目勢若負嵎誰
敢觸聽之不聞聲咆哮但覺眈眈徒躡躅吁嗟此
獸名山君狐兔昇跡難為群五雲深處陪蒼麟餘
威自足清妖氛

馬

房星夜落月支窟化作驎騮真駿骨背凝紫汗氣
成雲鐵蹄高蹄雪翻白番酋得之不敢騎重譯牽
來獻

中國雄姿天矯七尺強驥褭驪驪皆辟易等閑論

文毅公集 卷之十
價值千金食粟應須畫一石有時蹉跎烟霧開萬
騎追奔豈能及古來良馬不易逢一出終當空驥
北綠楊陰裏東風柔獨立驕嘶氣偏逸遭逢何幸
太平時素飽魚由効材力待君千里掃胡塵為君
汗血翦君德

山水圖三首

畫師盤礴作筆勢寫出江山數千里崔嵬絕巘欲
摩空彷彿高巘起雲氣浮雲開處見山骨紫翠重
重淨如洗飛泉落澗聽魚聲幽谷含春如有意武
陵此去疑不遠似有桃花出流水隔江依柳起涼

亭開窓面此雲山青客來相對坐忘倦似說平生
遺世情我觀斯圖重太息清時誰肯終泉石棄孤
蓬矢作男兒竹帛千春照芳績君不見當年伊尹
耕有莘憐然一出安斯民

其二

生綃一幅高堂上彷彿名山勢千丈雲霞變態不
可名掩映長流萬古青層岡疊岫斷復續怒虎奔
龍起還伏廓然天雨放初晴萬壑千崖漱寒玉雲
山峨峨何壯哉珠林物外無纖埃長松百尺出幽
澗飛橋橫跨山之隈攜琴曳杖者誰子疑是山中

招隱回君不聞蓬萊山三峰夙絕非人寰計來三
千餘萬丈惟有飛仙日往還龍眠畫筆奪造化仙
界移來指顧間公餘杜門無一事坐對斯圖心自
閑

其三

前山磊磊攢蒼翠後山疊疊連峰起古木平章不
記年亭臺隱約清陰裏誰人樂隱碩且寬山林泉
下成盤桓幽尋不見山路遠回首身在青雲端微
茫遠水接天際扁舟一葉橫江干得魚沽酒向何
處遺此萬頃玻璃寒倏然雲散天風靜山色如藍

水如鏡良工墨妙如有神布出其中無限景名山
勝水殊天然此地疑與天台連採山釣水各忘慮
斯人莫是桃源仙與君同為江南客萬里迢迢住
京國江南山水慣追尋披圖恍然親曾歷勸君斯
圖好珍惜異日還來訪真跡

獵騎圖四首春

林松濕露翠華重仙桃醉日凝香夢芳草叢生綠
樹陰落花盡補蒼苔空完顏羅馬當青年戎袍照
日何鮮妍玉鞍錦鑣黃金勒紅纓紫鞵珊瑚鞭雕
弓滿張面如赭氣捲黃河掌中瀉仰天一箭中飛

禽委翅欲逐迴風下角鷹鉤爪目如電利吻淬若
 龍泉劍番鞞掣斷綠絲繯狡兔妖狐膽驚顛群駝
 露出紫茸峰金鈴擊犬奔長風旌纛搖紅日光薄
 鴈門金鼓聲瑟瑟君臣演舞飽韜畧範我馳驅在
 獵較要知見者舉欣欣庶幾與民能同樂

夏

遠山近山翠秋滿溪柳沙柳青如織薰風扇涼自
 南來旋旋捲城邊雲滿羽林紅馬鳴蕭蕭角子在
 手箭在腰畫戟煌煌輝白日黃沙漠漠連青霄海
 東之青偏豪爽鐵作毛衣金作掌聳身跨霧轉招

搖駕驚灑血隨草莽紫衣控着白玉鞭萬騎馳突
 相後先貌貅仰視復拍掌歡呼動地聲駢闐香騰
 雞舌煙縹緲飛入鮫綃輕裊裊紫塞閑頭日欲晡
 賀闌山下天還曉胡笳一曲興未足帳裏葡萄酒
 新熟齊宣邈矣不可追推恩始自牛鰓鯨

秋

薊門霜落悲秋草葉飛滿地無人掃塞輿曉出明
 光宮揚鞭走馬閑東道天閑十二分鴈行虎蹲豹
 躡爭低昂戎袂吹風日杲杲陣雲橫塞天茫茫兔
 奔鹿馳何迫速長劍短戟相追逐肅肅響徹雲影

寒啾啾鳴透空山綠野雉嘒嘒原頭飛錦毛五色
光陸離翻身抽矢將欲射巧力恐逐冰弦移丹青
一幅監前代幾度棗田變滄海靈囿靈沼尚可徵
金城湯池將安在東龍行日西龍雨乾坤已屬
大明主當今偃武更修文世際雍熙侔

舜禹

冬

連日同雲陰匝地易鳥濕翅飛不起翠華遙指太
行山獵騎悉渡漳江水

君王獨控玉花驄欲動不動偏豪雄冰弦雕弓白羽

箭精神炯炯明雙瞳將軍呼葵躑躅來左右咆囂
聲如雷山羊野鹿紛交馳俛首落膽悲鳴哀勇士
持挺擊奔兔壯氣如山力如虎扶桑樹折玉闕開
宇宙颯颯寒風度貂裘斜擁半酣醺棘門搥鼓聲
殷殷笳吹遙番瀚海波旌旂遠蔽天山雲嗟哉
湯王恩浩蕩仁愛及物見祝網羸得芳名照汗青
至今千古令人仰

題夏珪山水圖二首

夾江山勢如削玉夾岬人家茅結屋屋頭挺挺多
修竹屋外垂垂楊柳綠漁舟款乃聲相續得魚沽

文毅公集 卷之十 十五
酒聊自足就中高人美如玉策騎前來訪幽躅

其二

石壁當年天琢成石逕迢迢縱復橫近山松栢如
列屏遠山緝宇何崢嶸方壺蓬萊終杳冥未若此
境堪怡情一見令人塵慮清乃知禹玉筆法精

山水

遠山濛濛雲作堆近山蒼蒼高崔嵬長林烟樹渺
何極飛流轉壑如奔雷石蹊通徑羊腸迴虹橋跨
波何雄哉仙人家住白雲下門無俗履問蒼苔不
知何處有此境疑是匡廬泰華及天台又疑方壺

弱水與蓬萊突然移向圃中來高堂素壁絕纖埃
對此令人心眼開主人愛山復愛畫得之價重不
啻瓊與瑰

山水

憶昔夢入蓬萊島鶯花滿地春光好長松落落山
水清但見一咲即傾倒覺來不復記何處曉起朝
向玉堂署誰人寫此丹青圖畫是當年夢中趣淋
漓墨汁煙霧濃四山勢欲凌蒼空泉聲清灑紫蘿
雨雲氣晝散玄巖風松篁偃蓋枝屈鐵桃李開遍
多奇絕丰姿宛似李謫仙箕踞忘形相對酌玉壺

文毅公集 卷之十
滿泛金盤鮮醉中一斗詩百篇何須獻納麒麟殿
何須歌舞玳瑁筵携琴歸去日正暮閉門半掩山
前路盃行到手且盡歡家僮失咲還相顧筆端造
化如共真奇哉使人一見心眼開披圖為君歌此
曲天風颯颯恍疑挾我登蓬萊

馬

穆王巡遊遍天下乘風躡雲同羽化直從王母宴
瑤池寧知八駿為之駕穆王歸去幾千年至今此
騎令人憐兩目夾鏡口噴玉四蹄削鉄又連錢黃
金絡白玉鞭瑤階闈闔頻留連飢飡玉山禾渴飲

天淵泉陪龍上下同飛騰不須王良與造父雲車
鶴馭莫敢為之先我

皇乘龍御九天輯寧海宇無風煙咲殺明皇縱游獵
還卑武帝輕開邊伏櫪天閑皆此種恣肥首嗜恋
華軒綵仗金門隨日下錦鞭丹陛遶花旋天生神
物不易得寫入丹青與世傳

七言律詩

送吳希賢歸省

及第登朝事

聖明十年今始遂歸榮忠臣孝子平生志冀北江南

兩地情祖道分攜冠蓋盛鄉山入望馬蹄輕
戲綵承權後又促行裝上

帝京

輓朱少卿

蚤歲詩書貴琢磨廿年游宦侍

轡坡才高會慶風雲早天近

息承雨露多自信丹心懸

北闕寧知清夢到南柯託交愧我情偏厚忍向涼秋

續輓歌

送龍孔目歸省

曉辭

天陞出金臺仗劍分携亦壯哉玉署已看書最績江
亭暫共對離杯秋經異地霜初凜冬去江南梅正
開掃遍松楸無久恋都門指日候重来

送李繡衣督學

臺端久矣著蜚聲

命新從冀北行政教已看歸掌握師生深喜得宗盟
輶車到處秋風凜藻鑑懸時夜月明收拾棟梁應
有待好抒忠赤谷昇平

香山歸隱

陽羨峰前竹數椽
構來知己幾經年
宦游不負平生志
老去重尋郭外田
三徑菊松存舊隱
一門詩禮擅家傳
香山洛社今猶昨
高會行看繼昔賢
送呂廷和之餘干

甲第青春早著名
拜官大邑荷

榮恩雞肋不負三年學
鵬路終搏萬里程
綠野春畊民樂業
花村夜靜犬無聲
政成指日膺超擢
簪筆鏘頭侍

聖明

送陸公致仕歸四明

鑑湖人去幾經春
幽躅誰能踵後塵
間氣生才當盛世
遐齡歸老屬芳辰
位登八座聲華遠
忠在三朝事業新
仁恕寬平多厚積
會看福壽更駢臻

挽吳編修母

堂北凄風捲素帷
萱花一夕竟凋衰
詞林有子登清秩
棧杼無人理斷絲
鏡掩香塵鸞影寂
牕含明月鶴聲悲
平生見說多賢行
銘勒何慚太史碑

壽江學士母八十

年登八袞孰能同
况復高堂祿養豐
天上蟠桃方結實
堦前丹桂已成叢
壽筵喜值三秋景

文獻公集 卷之十
鸞誥還期一品封萬里無由陪賀客緘詩願效祝華
嵩

瑞蓮亭為建寧張太守賦

蓮亭瀟灑瞰清漪嫩綠新紅種滿池並蒂倚風嬌
欲語雙花凝露淨還歌遠追周室禾同穎近似漁
陽麥兩岐和氣致祥應有自佳聲從此播

明時

送鄭御史按江淮

芳年衣繡早蜚聲按節東南下
帝京月色兩淮隨去棹霜威千里逐行旌埋輪要使

豺狼殄攬轡期看海宇清古道于今甚寥寂願據
素赤卷

皇明

遊楊鴻臚南園次韻二首

別墅同追一餉歡喜陪車騎出

朝端花飄紅雨三春暮麥熟黃雲四野寬醺醪杯傾
鸚鵡滑櫻桃盤薦水晶寒遊歌何幸逢全盛仰祝
鴻圖萬世安

其二

咫尺南園接上林共娛風景聚朝簪花因春後開

還落水自溪分淺復深綵筆倚欄題樂事冰絃當
座助歌音主賓歡洽難勝醉何用臨岐酒更斟

題王御史簡命行春卷

才名籍籍播中臺按節滇南荷

帝裁

詔獄每憐人命重遐方今喜繡衣來九重雨露隨
車騎萬里息波被草萊便道不妨歸獻壽高堂有
待笑顏開

送張太守之建寧

分符千里撫黎民遠近俱稱太守循嘉譽喜書三

載績休光深荷

九重仁朱旛皂蓋重為客碧水丹山舊結鄰懸想到
時當盛夏蓮塘花發錦雲新

贈陳侍講

此去南都握院章知君孝念在萱堂板輿迎養鄉
山近綵服承歡愛日長玉署有才堪著述金陵多
暇足徜徉

九重側席思賢舊超拜行看荷

寵光

送顧教授之嚴州

錢塘西去是嚴陵士服詩書俗化敦黌舍倚天塵
不到臯比擁座道還尊橫經久擅春秋學拜
命重霑雨露恩此後也應非遠別超遷指日會

金門

贈蕭郎中還安成

太學從師憶壯年共看華髮漸盈顛玉堂事業漸
予拙粉署才名羨子賢解組曉辭丹鳳

闕歸裝夜泛潞河船到家若過忠文里好把椒觴奠

墓前

贈胡二守之武昌

青年領薦上

神京太學從游業更精詮試登名先衆彥專城佐政

荷

榮恩薊門曉日雙旌遠鄂渚秋風一棹輕當

寧憂民心正切好施仁惠及蒼生

靈

朔風吹雪滿林端頃刻青山變玉山散履尚思東
郭趣蹇驢應向灞橋還寒生短棹滄江濶光映踈
檣卷帙閒三白豐年今有兆農家從此盡歡顏

山水二首

江上群山翠欲流，扁舟閑繫渡東頭。
抱琴遠訪知音去，載酒同招野老遊。
一段風流如洛社，四時佳致勝瀛洲。
太平到處人行樂，何用蘭亭禊事修。

其二

雲山疊疊樹高低，景色蒼茫望欲迷。
江上有舟人蕩槳，林間無路石成蹊。
柴門晝掩車塵杳，茅屋春來野鳥啼。

昭代徵賢勤束帛，高才未許學函樓。

輓沐陽伯尚書金公

老成凋謝獨傷神，文武全才見幾人。
萬里出師勞

贊畫三邊供餽費，經綸匡時已罄平生術。
歸路俄

驚旅襯新身後

息榮誰得似

褒封有爵在麒麟

題山水圖

山間景物四時同，松栢森森紫翠中。
案上書編閑白日，簾前花影動清風。
小橋靜看行人過，野寺遙從曲逕通。
辟穀他年如有分，肩輿還擬覓仙踪。

送方蒙城致政還淳安

芸牕曾共對韓檠，幾度相逢在

上京窮養達施酬素志急流勇退見高情
半肩行李青氈舊千里歸舟綠鷁輕
洛社香山頻入夢何時尊酒叙同盟

送徐巡宰之莆田

與君兄弟意綢繆不惜離筵重勸酬
紅葉馬前牽別恨白雲江上動
鄉愁舟移劍水腥風遠春到閩山瘴
雨收况是莆陽文獻地宦情詩思兩悠悠

送孫學士還河南

甲第魁名屬壯年詞林職業更超先
編摩筆削存中秘啓沃謀猷在

講筵何事思親心獨切也應行道志還堅
田園未必成真趣會見

微書下日邊

樓初亭

恒性由來天所賦那看外誘苦相縈
知行兩盡中高湛德業俱崇萬里明
綠野莠莠苗自秀滄浪泥淨水還清
復初亭上觀仁處不愧風雲樂道情

送吳司務出使貴陽

才思飄飄沂水英冬官贊政著賢聲
九重深軫遠氓念千里遠持使節行

王化祗今無遠近殊方從此荷昇平懸知別後成功
易早把佳音達

帝京

汪教諭之官舞陽

分教洋鄉已有年諸生深喜得師傳天官最績登
優選學諭清高荷美遷

關下...多舊識擔頭行李半青氈

朝...崇儒術會見飛騰下

日邊

送傅春坊省親還嚴陵

封勅頒

恩慍二親高堂歸拜錦衣新風雲慶會人爭羨父子

國官世罕倫玉署馳名推碩學青坊兼職際

昌辰鄰翁若問

朝家事四海昇平荷

帝仁

挽黃廷廣二親

椿萱凋謝幾經年時物傷情倍黯然里巷至今談
厚德椒漿無處薦重泉簡編零落存遺澤機杼淒
涼瑣幕煙有子青霄曾進步

褒封擬待貴雙阡

挽楊夫人

師臣仙去幾經秋
鵞鏡孤懸嘆白頭
零落機杼虛
夜月淒涼石獸掩
荒丘
毋儀婦道稱賢淑

錫誥推恩荷

寵優令子啣東千里道
鄉山觸目不勝愁

送楊大尹之官吳縣

九載江村善撫循
聲華從此動朝紳
東吳朝劇須
賢尹

北闕疇咨用老臣
耕鑿會看民樂業
絃歌有待俗還

淳來陽豈足淹龐
統超擢懸知沐

寵新

贈達知縣赴官金陵

蚤歲才華動縉紳
拜官正喜際昇平
雲開旭日辭
金闕帆掛秋風渡
石城政有餘閑心
自逸案無留牘
訟常清考功他日
應書最超拜還期
沐

寵榮

題鷺洲書舍

分符出鎮幾經秋
結屋還依白鷺洲
萬點霜花蕊
遠近四時綠水共
清幽
詩書滿架存遺澤
事業潛

心繼遠猷自是故家文物盛子孫賢達異常流
送周學士赴任

皇家根本重

金陵列職諸司總俊英內相久歷鰲禁席遷官爭
慕石溪名登瀛自昔稱嘉會拜

命於今荷

寵榮愧我才踈蒙尊迪祖筵追送不勝情

挽杜郎中母

霜砌萱花怯曉寒高堂無復覩慈顏機杼零落人
何在塚樹淒涼月滿山三徙芳鄰追往躅五花

封誥錫迴鸞平生淑德應難泯誌石新鐫墓隧間

送葉御史提調學校

繡衣啣

命出

神京一道霜威逐使旌學校又為當道重綱維須
體

聖君情刑無鞭扑從寬典士有絃歌藹頌聲自古賢
才閑治化也知此舉任非輕

贈田隱翁

吉水藍君永清

聞說林泉有洞天惟君托隱在藍田開雲種壁連

文獻公集 卷之十一
二十七
城價過雨看苗穗穎堅既醉詩成志

帝力嘉魚宴集慶豐年高風雅趣誰能似况復盈庭
子姓賢

贈中僉憲之官江右

兩拜

除書佐外臺蜚聲籍籍重瓊瑰
鷺車按部奸豪懾駭
馬行春淑氣回江右古來稱善地
憲臣今喜得奇
才故人握手情難別暫向離筵對玉杯

挽姚處士

構李欽蘇舊有傳兩君

京邑遂喬遷柔樽對客渾忘倦
惠愛周貧不計錢
夢入邯鄲人已遠鶴歸遼海恨堪憐
詩書世業今何似
蟄蟄兒孫總俊賢

贈王掌教考滿

座擁臯比飽一經芹宮九載播芳名
詩歌棧樸功堪述化被菁莪教有成
已喜銓曹書最績更看超擢沐

恩榮方會

聖主崇儒術好展才華贊治平

送曲阜孔大尹

文毅公集 卷之十
今尹才華迥出群烏紗銀帶荷

君息應知

聖澤同天地致使餘波及子孫學道可能忘祖訓推
仁先欲庇同根公恂進士如相過好說深居遠俗
喧

挽鄭夫人

八十餘年樂且康一朝長逝竟漫漫秋風寂寞堂
堂靜夜月淒涼蕙帳寒鄉里徒能談懿德賢郎猶
自泣熊丸仕途喜有青雲裔

褒寵行看賁壘巒

貧樂窩

人生得失總前緣無伎無求樂晏然道在簞瓢真
有味趣存琴瑟不須絃鶉衣可讓重茵暖斗室粗
安一覺眠多謝東風似知己吹噓時上草廬顛

送龍太守之毘陵

早從春試見雄文駐馬山中識使君

京闕趨朝承

寵命容牕叙舊對爐燠也知撫字多仁政應有聲華

達

帝聞自是高才難久滯超遷還擬立殊勲

文獻公集 卷之十 二十九
送周憲副赴任陝西

奕世衣冠重貴溪登科况自少年時
郎官閱歷馳清譽憲佐超遷荷

寵私按節豈徒資餽餉巡方有待肅
綱維極知此後相逢處榮捧徵書覲

玉墀

壽周母七十

寶婺光華映碧天慈闈慶誕啟芳筵
七旬共說人間少五鼎爭誇福祿全
貴主供來珍饌美諸郎舞擬綵衣鮮
題詩每效南山詠為祝瑤池不老仙

春

陽和煦煦回山川千紅萬紫爭芳妍
草亭翼然隱喬木幽人咲傲其林泉
攜童策蹇踏春色抱琴遠訪知音客
料應相見無一言流水高山心自適

夏

屋外群山青如葱屋頭翠柳清陰濃
松根白鶴起欲舞藕花香散西湖風
愛花少年顏如玉畫梁輕搵液紋簇
羽扇涼生香袖飄恍在若耶溪水曲

秋

一片秋光素如練滿山黃葉霜初染
斯人中履晉

風流松竹閑依白雲歛筇杖兒童不暫離筆床酒
竈相追隨好似紫桑陶靖節歸來孰與同襟期

冬

千山萬山雪壓雪翠微失却尤奇絕屋頭銀砌掩
松閣猶有孤梅幹如鐵推蓬舉棹興何如剡曲王
猷迹豈殊何處有山如此圖老年欲問山中居

贈王大尹之如臯

如臯縣屬維揚郡人尚耕桑俗頗淳茂宰之官逢
舜日絃歌為治樂

堯仁安成詩禮雅華俗奕世賢才表縉紳百里豈能

淹驥足還看超拜展經綸

送李編修歸省

姑蘇自古多賢地忠厚應從閭氣來史館編摩資
正學詞林制作得真才雙親共沐

皇恩重千里爭看畫錦回此處肯教乖潤久衣冠指
日會蓬萊

送毛二尹之官江都

蒲東家世舊簪纓諸父聲華重月評經學獨承庭
訓早除書新拜

寵恩榮洛河曉發孤帆遠淮海秋高一鷲橫撫字他

年多善政佇看清譽達

神京

送喬編修歸省

玉雪清姿出衆才
詞林聲價重瓊瑰
高堂菽水馳情久
遠道風雲得意回

誥錫龍章恩典重
詩歌春酒壽筵開
親賓若問

朝家事為說

皇仁適九垓

稅友義畢居士

名家詩禮著淮安應

詔曾聞累拜官
穀帛每因貧者施
琴樽多為故人懽

平生友義誰能及
沒世聲聞定不刊
令子青雲方

貴顯行看

褒贈出

朝端

贈李其章還官

桐鄉二尹西昌彥
為喜居官有政聲
農樂耕桑勞勸相
士耽詩禮藉陶成

九重奏最

恩榮重千里歸裝去
路輕懸想到時秋
正熟紛紛

老稚盡懽迎

贈御史徐君按廣東

烏府才華獨老成又看卿

命出

神京

九重耳目資臺憲萬里風霜逐使旌攬轡定須追往
躅埋輪應不負平生極知驄馬經行處老稚歡呼
藹頌聲

挽王布政

曾持使節過嚴陵謁我山中道舊情

上國重来聞峻擢雄藩荐歷播芳聲游從每念賢昆
季訃報俄驚失俊英賴得故人敦友義為求哀挽
表平生

送唐員外赴南都

芳春甲第早登名出刺西川藹頌聲報政不辭千
里道遷官深荷

九重情薊門餞別朋簪盛淮甸經行暑氣清比歲恤
刑頻有

詔好將仁恕答

皇明

送兄弟歸省

安成文獻君家最兄弟連年擢甲科三載儀曹殷
望重二難玉署

寵恩多使華暫向親藩去閭里行者晝錦過回首都
城秋正好對床風雨意何如

送某歸省

賢郎承

詔日邊回正值椿翁壽宴開甲子一週期再數蟠桃
千歲擬重裁錦衣誰似華宗盛珠履爭看賀客來
懸想高堂稱慶處弧南光彩映三台

贈徐主事赴任

尊翁擢第我同年喜見雲霄令子賢楚楚半姿凝
湛露滔滔才思注源泉

恩霑

北闕登科早官拜南都得意先順道不妨歸獻壽錦
衣掩映慶華筵

挽劉方伯父

梅莊居士五忠孫隱處林泉道義尊教子一經成

令器

封章兩幸拜

君恩故山人去烟霞遠高塚雲歸草樹昏餘慶積來
渾未已又看

褒典出金門

送羅翰撰歸省

三年史館已遷官千里親闈缺問安子告暫辭
天上去承

恩遠向日邊運到時春酒堪為壽舞處斑衣足盡歡
侃侃每聞懷直道會將民隱奏

金鑾

送陶進士出宰魏縣

制科得士總賢英百里居官豈稱情為是

聖明崇字牧期將仁政憫蒼生春農綠野安耕耨夜
犬花村絕吠聲三載奏功書最績定應超擢沐

恩榮

送劉二尹考績還淳安

積學成均幾歲寒官為佐令嘆棲鳶蜀川弭盜功
堪紀淳邑臨民政尚寬請謁無私人事簡催科弗
擾衆心安他年述職重書最擬向朝陽振羽翰

送王太守還三衢

專城分閫見才賢籍籍聲名遠近傳千里化行民

樂業

九重奏最政超先朱旛皂蓋還官日白叟黃童滿道
前喬木若存清獻宅幾番憑式思悽然

送鄭彥成之廣信

信州南去近鄉山便道爭看衣錦還蓮幕多才勞
擘畫玉峰有暇稱躋攀半生勤苦齏鹽味千里歌
謹撫字間別後要知重會處天香兩袖覲

龍顏

送齊憲副之山東

鳳皇會同題姓字烏臺誰似振綱維

九重耳目資賢哲數載聲名播

玉墀佐憲已承新

寵渥乘驄不改舊威儀豺狼當道應須問莫使蒼生
苦怨咨

送陳繡衣出按江右

繡衣嘒

命出楓宸欽恤當推

聖主仁江右威名聞遠通臺端風節動簪纓獄無枉
滯資明決人樂更生仰化鈞駟馬到時暮正好幾
多枯槁倍精神

題重恩堂

青年佐憲際昌辰兩拜

恩封及二親父母俱存能有幾衣冠濟美更誰倫華
堂共享千鍾祿眉壽齊看百歲人籍籍聲名振
朝野還應

天寵錫來頻

雙壽

七十高年世所稀况今齊壽介繁禧仙翁矍鑠顏
如玉阿母康強髮未絲果獻蟠桃來闈苑酒斟瓊
液宴瑤池遐齡願祝同嵩嶽日沐

褒封向盛時

七言絕句

聞

皇子誕生三首

聖祖

神宗慶有餘祥開椒掖誕

皇儲司天昨夜頻占候燁燁紅光遠

帝居

其二

朝來瑞氣藹

彤庭宮掖傳宣

聖子生福壽

天齊

宗社永謳歌處處動歡聲

其三

聖德巍巍契上蒼虹流華渚降禎祥本支繁衍

天潢盛共祝

鴻圖萬世昌

山水二首

別墅樓臺俯碧灣柳陰深處隔塵寰主人無限登

臨趣都在煙雲出沒間

其二

綠柳成陰化日舒扁舟出水勝安車高人罷釣沉
思處志在經綸不在魚

梅二首

挺挺新枝冒雪開江南此種號花魁天公有意憐
幽獨特遣陽和到早梅

其二

玉骨冰肌不染塵雪霜深處倍精神莫言歲晚無
生意南北枝頭總是春

山水圖

青山綠水望中寬
牧豎樵童任往還
不慕功名慕
畊釣此生贏得幾多閒

墨竹三首

一林蒼玉發新梢
彷彿朝陽見鳳毛
勁直不隨霜
雪變也應素節卷來高

其二

直節真心異衆葩
數竿蒼翠拂牕紗
嚮來歲晚水
霜少日報平安達

帝家

其三

淡墨何年寫此君
牕前彩鳳見來頻
虚心不改歲
寒意為有清風是故人

題仲昭竹

數竿修竹倚雲栽
雨過春林翠作堆
勁節不隨桃
李度芳叢有待鳳凰來

桐江獨釣圖

拂袖長歌入富春
滄江深處獨垂綸
短簑不換軒
裳貴千載高風有幾人

山水四首春

樓閣嵯峨遠岫明
此中風景似蓬瀛
抱琴未遇知音客
閑倚銀鞍信馬行

夏

十里芳塘景最幽
藕花香裏水光浮
望來不識人間暑
羽扇綸巾樂自由

秋

青山遠近白雲重
誰識當年把釣翁
千載嚴陵灘上路
令人猶自憶高風

冬

同雲黯黯雪漫山
繫却扁舟傍水灣
被擁蘆花酣

睡後不知身世在
人寰

鴈

春去秋來似有情
海天空濶恁飛鳴
翀霄擬作鸞凰侶
肯逐鷗鳧過此生

金梅為瞿廷用賦

羅浮仙子逞精神
幻出金衣不染塵
商鼎調羹終有待
東風且占一枝春

柳塘三鷺圖

素質飄飄絕點埃
幽棲常傍水雲隈
自從蓬羽歸班後
時逐仙禽上苑來

魚圖

深涵四海清萬方民物遂安其江湖機網從人
設魚躍魚潛自稱情

觀音

佛不負人人負佛我心即佛佛即心平生忠信貫
金石俯仰無愧觀世音

永清朱樾之字淹頌號玖珩
滂喜堂藏經籍金石書畫記

文毅公集卷之十終

商文毅公集後序

自古相天下者曷嘗不金玉其言瓔
璫其說惟是德業與文章並茂乃稱
完人焉故咎繇伊傳周召著之典謨
訓誥者迄今膾炙人心此不徒有其
文母亦發揮於德業而文且寄以不
朽代而下也或辭擢簡編而作用缺
或功垂竹帛而涵養踈可尚而傳者

寥寥也若吾淳裔文毅公自幼穎敏
書過目永不忘下筆千餘言立就甫
弱冠以文章并兩浙繼而冠南宮首
臚唱海內翕稱三元學者仰若星鳳
然此未足盡公也乃其德業猶足多
焉按公履歷蚤直經筵薦登內閣洎
英廟己巳之變中外洶洶公殫赤劬請
却即即其以安反側時有妄議南遷者唾

而斥之與同羈姚文敏公壹心營職
期社稷金甌而後即安無何叢輕折
軸羽翻飛肉竟以誣謗坐免蒙

憲宗日月之明洞鏡其枉復召入相自謂
如唐太宗之用王魏而公亦以古名
臣自期間嘗取其遺藁而誦之進

經筵講章定

太后典禮則啓決功多條陳事宜倡議達

儲招撫流移則根本計遠續史鑑綱
目遠紹考亭心傳而道脉衍乞罷西
廠之狐鼠請宥林誠之誣効力救章
綸林聰之重譴而賢關開矧主會試
者一為

廷試讀卷官者五而龍蟠鳳逸士皆激昂
青雲號稱得人是公之德榮固以文
章而顯公之文章又以德榮而傳其

大者若章疏諸篇達白盈帙總之浮
英華湛道德根極於身心性命有闕
於天下萬世誠足鏤金版而鐫盤盂
書玉簡而銘鍾鼎諸如詩序雜著莫
非昌言確論廣調洪詞譬之四瑚八
璣可陳宗廟黃鐘大呂是和神人即
與咎繇之謨伊之訓說之命周召之
誥方駕寰宇毫無軒輕安得求公於

三代下耶管宋稱不愧科名者三人
然王沂公鄆州一去竟不復起馮宋
二公或猶議其晚節孰如公受知

三聖春注特隆卒之身退名完海內仰之
不少替哉獨慨遺文散逸未睹大全
隆慶間莆田鄭君嘗梓其概復遭燬
殘歲辛丑漢陽劉君涖茲下邑惻然
以興起文學為已任旁搜家藏捐俸

錢梓工既竣徵余序其後余縱而觀
之金君前序字中科斗競落文河安
能復贊一辭第先大夫安所公恒齋
公抑庵公與公同朝道合膠漆靜齋
公亦後公而顯世締姻盟余寔公曾
外孫不容以不敏謝也敬書簡末

寄

明萬曆癸卯歲季春上浣

賜進士觀政吏部後學吳一棻書于淳之

文昌閣



